



**Aningaasaqarnermut Nunanullu Allanut  
Naalakkersuisoq**

**Aningaasaqarnermut Ataatsimiititaliap suliaq nr. 01.31.06/06-00184 pillugu pingasunngornermi ulloq 23. august 2006-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 10. august 2006-imi ataatsimiinneranni imm. 2a)

**Kontop pingaarnep 83.30.13-ip, nuna tamakkerlugu paaqqinnittarfinnut tunngasup, ataani autistitut inersimasunut immikkoortortaq**

Naalakkersuisut **inassutigaaat**,

- Kontomi pingaarnep 80.00.00-imi, sanaartornermut sillimmatitut agguanneqanngitsunut tunngasumi, aningaasaliissutit 2006-imi 1.300.000 kr.-inik ikilineqassasut
- Kontomi pingaarnep 80.00.01-imi, nuussinissamat sillimmatitut tunngasumi, aningaasaliissutit 2006-imi 1.300.000 kr.-inik ikilineqassasut
- Kontomi pingaarnep 83.30.13-imi, nuna tamakkerlugu paaqqinnittarfinnut tunngasumi, aningaasaliissutit suliaq nr. 060.40.031-imut, Nuummi innarluutilinnut immikkoortortamat misiligutaasumik suliarineqartussamat tunngasumut, atugassatut 2006-imi 2.600.000 kr.-inik amerlineqassasut.

**Aningaasaqarnermut Ataatsimiititaliap oqaaseqaatai**

Isummernissamat tunngavissiaq Aningaasaqarnermut Ataatsimiititaliamut  
nassiunneqartinnagu tassani suliamik nassuiaaneq naammattumik  
kukkunersiorneqarsimananilu iluarsiiqqineqarsimangitsoq ersarimmat oqaatigineqassaaq,  
minnerunngitsumik immikkoortut aappaat eqqarsaatigalugu. Missingersuutinulli ilanngussat  
paatsoorneqarsinnaangimmata qinnuteqaat ataatsimiititaliamit akuersissutigineqarsinnaavoq.

Missingersuutinut ilanngussanut tunngatillugu oqaatigineqassaaq nussinissap  
akuersissutigineqarnissaanut tunngavissatut taaneqartoq pisariaqarnanilu kukkusuusoq.

Aningaasaqarnermulli Ataatsimiititaliap atortussaasa pitsaasuunissaannik  
qulakkeerinnittarmissaq ataatsimiititaliap Naalakkersuisunut *aammaarluni*  
eqqaasitsissutigissavaa.

**Aningaasaqarnermut Ataatsimiititaliap aalajangiinera**

Siuliani oqaaseqaatit innersuussutigalugit Naalakkersuisut inassuteqaataat  
Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Ellen Christoffersen  
Aningaasaqarnermut Ataatsimiititaliap siulittaasua